

Sarajevo, 16.oktobar 2017.godine

DNEVNI AVAZ

N/R GLAVNE I ODGOVORNE UREDNICE, DŽENANA BUREK

PREDMET: DEMANTI

Poštovana,

U Dnevnom avazu, izdanje od 16.oktobra, u tekstu pod naslovom „Milion maraka bačeni u oronule kamene ploče“, autora F.Mustafić, objavili ste niz neistina koje ovim putem demantujemo.

Naime, izuzetno tendenciozno ste iskoristili ime kompanije MIBRAL, predstavljajući nas u izuzetno ružnom svjetlu, čime ste ugledu naše kompanije nanijeli nesagledivu štetu.

Istina je da je naša kompanija radila rekonstrukciju i popločavanje u nekoliko starogradskih ulica, ali je neistina da su te ulice danas oronule i oštećene. Svi projekti koje smo radili u Starom Gradu su urađeni besprijekorno, u skladu s najvišim standardima, te su sve ulice danas u odličnom stanju.

Projekti na kojima je kompanija Mibral radila, na području Općine Stari Grad, su

1. Rekonstrukcija i popločavanje ulice Bravadžiluk i mali Bravadžiluk / april – avgust 2010.godine/;
2. Rekonstrukcija Ulice Sarači /mart – juni 2011.godine/;
3. Rekonstrukcija ulice Ferhadija od apoteke Stari Grad kod Katedrale do Tržnice /maj 2012.godine - maj 2013.godine/;

Napominjemo da nikada nismo kontaktirani od strane Općine Stari Grad za saniranje ili popravku neke od ulica na kojima smo radili, jer su radovi urađeni potpuno propisno, te nije bilo potrebe za naknadnim intervencijama.

Poslovni odnosi između naše kompanije i Općine Stari Grad su potpuno profesionalni i korektni, a svi poslovi se sklapaju isključivo u skladu sa postojećim zakonima i procedurama Javnih nabavki, gdje se i naša kompanija javi sa ponudom kao i sve ostale kompanije.

MIBRAL uvijek čvrsto stoji iza svih svojih projekata, te je kvaliteta pruženih usluga naš prioritet. Mi naš imidž gradimo na kvalitetnim uslugama, što naši partneri itekako znaju prepoznati.

U cilju ispravnog informisanja javnosti, te ublažavanja štete koju ste nam nanijeli netačnim navodima, zahtjevamo objavu Demantija u cjelosti, u izdanju Dnevnog avaza za 17.oktobar. U suprotnom ćemo naša prava potražiti kod nadležnih institucija.

MIBRAL d.o.o. Sarajevo, Direktor

Maja Bračević – Smith, mag.oec

